

Visoki predstavnik poništio imenovanje Vlade Zapadnohercegovačkog kantona



Visoki predstavnik Valentin Inzko donio je danas Odluku kojom se poništava imenovanje nove kantonalne vlade od strane Skupštine Zapadnohercegovačkog kantona, do okončanja redovne procedure provjere kandidata koju vrši OHR.

Potezom Skupštine od 27. avgusta zaobiđena je ustanovljena dugogodišnja procedura, u skladu sa kojom se provjera kandidata vrši prije njihovog imenovanja. Odluka koju je danas donio visoki predstavnik ispravlja ovo zaobilaženje ustanovljenih procedura i ne utiče na odluku o izglasavanju nepovjerenja vladi od 4. avgusta, koja je osporena pred Ustavnim sudom Federacije Bosne i Hercegovine.

«Ovo je tehnička odluka zasnovana na principu doslijednosti, koja će isto tako osigurati pravnu jasnoću potrebnu kako bi se smirila situacija u Kantonu 8» konstatirao je visoki predstavnik prilikom donošenja ove Odluke. «Ostao sam doslijedan Odlukama koje su donosili moji prethodnici kada su se suočavali sa istom situacijom. Istaknuo bih činjenicu da su 2007.god. imenovanja izvršena u Vladu Federacije Bosne i Hercegovine bila poništena iz istog razloga, dok je 2006.god. vlada Kantona 8 koju je formirao Zvonko Jurišić čekala dok OHR nije okončao propisanu proceduru provjere prije imenovanja vlade. Nema razloga da se danas primjenjuju drugačiji standardi» zaključio je visoki predstavnik.

Procedura provjere je otpočeta i bit će okončana što je prije moguće a najkasnije 9. septembra 2010.god.